

26.11.2021

Inatsisartut suleriaasiat § 37 malillugu, immikkoortoq 1 naapertorlugu matumuuna Naalackersuisumut apeqqut imaattoq saqqummiuppara:

Naalackersuisunut apeqqut:

Nunaqarfinnut isorliunerusunilu, illoqarfinni Pilersuisup niuerfiini KNI-ip ingerlatsiviini aningaasatigut ingerlatsinerliornermut akisuumut, KNI-ip ataatsimeersuarnerani 8. oktober 2021 nunaqarfinmiut ilisimatinneqarput, ingerlatsinerliorneq nunaqarfinni illoqarfinnilu isorliunerusuni pisisartunut tutsinneqassanngitsoq oqaatigineqarpoq.

- 1. Nunaqarfinni nioqqutissat Pilersuisup akitsorternikuuai aasap ukiallu ingerlanerani taava Naalackersuisut ilisimatitsissutaat pisisartunut nammakkiutaassaangitsoq qanoq paasissavarput?**
- 2. Sooq piginnittut Naalackersuisut kissaataat uniorlugit ingerlasoqarpa?**

(Inatsisartunut ilaasortaq Emanuel Nûko Naleraq)

Tunngavilersuut:

KNI-ip Pilersuisup ataatsimeersuarnerani nioqqutissat ingerlatsinermi kukkorujussuarneq pissutigalugu malunnartumik akitsorterneqarput. Naak piginnittut sinnerlugit Naalackersuisut akitsuisoqannginnissaanik oqariartuuteqarlutik ilisimatitsigaluartut.

Naalackersuisullu ataatsimeersuarnermi saqqummiussaataat imatut allassimavoq.

”Akinik qaffaasoqassanngitsoq”

”Tassunga atatillugu, ingerlatseqatigiiffiup iluarsiteqqinnissaa aammalu aningaasartuutissat nalaatsinerlunnermi pisunut ingerlatseqatigiiffiup inissisimaffigiligaanut atasut, atuisartunit matussuserneqassanngillat. Ingerlatseqatigiiffiup maannakkut inissisimanerata malitsigisaanik akit qaffannerinit imaluunniit aningaasartuutit qaffannerannit atuisartut eqqorneqannginnissaat Naalackersuisut pingaartippaat,”

Apeqqutit ullut suliffiusut qulit iluanni akineqarnissara kissaatigaara.